



Na osnovu člana od 80. do 88. Zakona o visokom obrazovanju, prečišćeni tekst („Službene novine Kantona Sarajevo“, broj: 22/10), i Pravila studiranja za prvi ciklus studija na Univerzitetu u Sarajevu, Univerzitet u Sarajevu o b j a v l j u j e

**KONKURS
ZA UPIS STUDENATA U PRVU GODINU PRVOG CIKLUSA STUDIJA NA
UNIVERZITETU U SARAJEVU U AKADEMSKOJ 2011/2012. GODINI**

Konkurs se raspisuje za upis u prvu godinu prvog ciklusa studija koji se organizira na fakultetima i akademijama Univerziteta u Sarajevu (u daljnjem tekstu: organizacione jedinice).

Prijave na konkurs za upis podnose se organizacionim jedinicama do 01. jula 2011. godine.

Terminološko korištenje muškog ili ženskog roda u ovom konkursu podrazumijeva uključivanje oba roda.

Ukoliko je za prijem studenata predviđeno polaganje prijemnog ispita, svaka organizaciona jedinica će utvrditi datum i raspored polaganja prijemnog ispita, kao i sadržaj i način polaganja prijemnog ispita, što će objaviti na svojim web stranicama i oglasnim pločama.

Prijemni ispiti će se završiti do 02. septembra 2011. godine.

Upis primljenih studenata obaviti će se u periodu od 05. do 16. septembra 2011. godine, s tim da organizacione jedinice, koje popune upisnu kvotu, upis mogu vršiti i prije predviđenog termina, a po okončanju žalbenog roka.

Visina participacije cijena usluga i školarina Univerziteta u Sarajevu, te fakulteta i akademija u njegovom sastavu utvrđena je Odlukom Vlade Kantona Sarajevo broj 02-05-19288-9/09 od 11. 06. 2009. godine. (www.unsa.ba, poglavlje – propisi, cjenovnici).

Djeca šehida i palih branitelja i djeca bez oba roditelja koji prvi put upisuju prvu ili odgovarajuću godinu studija po starom ili bolonjskom sistemu studiranja oslobođeni su obaveze plaćanja upisnine u iznosu od 100,00 KM (stotinu konvertibilnih maraka).

OPĆE ODREDBE

U prvu godinu studija u akademskoj 2011/2012. godini kandidati se upisuju u skladu sa planom upisa studenata.

Pravo učešća na Konkurs pod jednakim uvjetima imaju državljani Bosne i Hercegovine i strani državljani sa završenom srednjom školom u četverogodišnjem trajanju u Bosni i Hercegovini, kao i kandidati koji su srednju školu završili izvan Bosne i Hercegovine, a za

koje je nakon postupka nostrifikacije odnosno ekvivalencije utvrđeno da imaju završeno adekvatno obrazovanje za nastavak školovanja.

Izuzetno, kandidati koji su srednju školu završili izvan Bosne i Hercegovine imaju pravo učešća na Konkursu i prije izvršene nostrifikacije odnosno ekvivalencije svjedočanstva o završenom srednjem obrazovanju u inozemstvu, ali se u prvu godinu studija mogu upisati nakon izvršene nostrifikacije odnosno ekvivalencije o završenom srednjem obrazovanju u inozemstvu, a najkasnije do početka akademske 2011/2012. godine.

Pravo učešća na Konkursu i polaganje prijemnog ispita imaju i kandidati sa završenom srednjom školom po međunarodnim programima koji su odobreni od nadležnog ministarstva, kao i kandidati iz država nastalih nakon raspada SFRJ, s tim što su dužni dostaviti svjedočanstvo o završenoj srednjoj školi odnosno nostrificirano svjedočanstvo za kandidate koji prethodno obrazovanje nisu završili u Bosni i Hercegovini prije početka upisa.

Ukoliko ovi kandidati prilikom predaje dokumentacije za upis nemaju nostrificirano svjedočanstvo, organizaciona jedinica je dužna zaprimiti ostalu dokumentaciju i uključiti kandidata u postupak za upis prema odredbama člana 88. Zakona o visokom obrazovanju Kantona Sarajevo, prečišćeni tekst („Službene novine Kantona Sarajevo“, broj: 22/10), u kojem se navodi da se kandidat koji ispunjava uvjete konkursa, a nalazi se na rang-listi kandidata koji su položili prijemni ispit u okviru odobrene kvote studenata za upis na tu organizacionu jedinicu, može upisati u prvu studijsku godinu prvog ciklusa studija nakon izvršene nostrifikacije odnosno ekvivalencije svjedočanstva, a najkasnije do početka studijske godine.

U izuzetnim slučajevima, kandidat se može uvjetno upisati u prvu studijsku godinu prije izvršene nostrifikacije odnosno ekvivalencije svjedočanstva, uz prezentiranje potvrde da je postupak nostrifikacije odnosno ekvivalencije po njegovom zahtjevu u toku i da kašnjenje u donošenju odgovarajućeg rješenja nije rezultat njegovog propusta koji mu se može staviti na teret.

Prijem i upis studenata u prvu godinu studija provodi posebna komisija koju imenuje rukovodilac organizacione jedinice.

Izbor kandidata vršit će se na osnovu Odluke o kriterijima i mjerilima za utvrđivanje redoslijeda prijema kandidata za upis studenata u prvu godinu studija na organizacione jedinice Univerziteta u Sarajevu, koja je sastavni dio ovog konkursa, kao i pojedinačnih kriterija utvrđenih za vrednovanje ocjena iz predmeta relevantnih za odgovarajući studijski program i vrednovanja rezultata prijemnih ispita ukoliko su predviđeni.

Prijemni ispit vršit će se testom ili drugom pisanom formom u ovjerenom duplikatu od čega jedna kopija ostaje organizacionoj jedinici, a druga kandidatu.

Preliminarnu rang-listu svih primljenih i prijavljenih kandidata organizacione jedinice će objaviti na web stranici i oglasnoj ploči nakon što je verificira nastavno-naučno odnosno nastavno-umjetničko vijeće organizacione jedinice, najkasnije dva dana od posljednjeg dana polaganja prijemnog ispita, a za organizacione jedinice na kojima se prijemni ispit ne polaže – najkasnije dva dana nakon isteka roka za podnošenje prijave na Konkurs.

Organizacione jedinice će na svojim oglasnim pločama i web stranicama dati potpune informacije o mjestu i vremenu predaje dokumenata za prijavu na Konkurs.

Za prijave na Konkurs za upis u prvu godinu studija kandidat je dužan predati sljedeće dokumente:

- zahtjev za upis u kome je tačno naznačen odsjek na koji konkuriše,
- originalna svjedočanstva o završenim razredima srednje škole završene u Bosni i Hercegovini u četverogodišnjem trajanju odnosno odgovarajuće nostrificirane dokumente za kandidate koji srednju školu nisu završili u Bosni i Hercegovini (ukoliko su dokumenti u postupku nostrifikacije, prilažu se prevedeni i od sudskog tumača ovjereni dokumenti),
- originalnu diplomu o završenoj srednjoj školi,
- izvod iz matične knjige rođenih,
- uvjerenje o državljanstvu i
- druge dokumente relevantne za utvrđivanje broja bodova po kriterijima.

Prijave podnesene poslije utvrđenog roka, kao i nepotpune prijave neće se uzimati u razmatranje.

Ukoliko se u prvom upisnom roku ne primi planirani broj kandidata, organizacione jedinice Univerziteta mogu u septembru 2011. godine objaviti naknadni konkurs. Pravo prijave na konkurs i polaganje prijemnog ispita u septembarskom roku imaju svi kandidati koji konkurišu prvi put za upis, kao i kandidati koji su konkurisali u prvom roku, a nisu položili prijemni ispit ili su zbog ograničenog broja kandidata odbijeni.

Univerzitet i organizacione jedinice obavezni su da prije upisa studenata u studijsku godinu na javan i transparentan način objavom na oglasnoj ploči i svojoj web stranici upoznaju sve studente sa pravilima studiranja, nastavnim planom i programom, te akademskom titulom i stručnim zvanjem koje se stiče nakon završetka studija.

Kandidatima koji nisu primljeni organizacione jedinice omogućit će preuzimanje dokumentacije u roku od 7 dana od dana objavljivanja konačne rang-liste.

ODLUKA
O KRITERIJIMA I MJERILIMA ZA UTVRĐIVANJE REDOSLIJEDA PRIJEMA
KANDIDATA ZA UPIS U PRVU GODINU PRVOG CIKLUSA STUDIJA NA
UNIVERZITETU U SARAJEVU U AKADEMSKOJ 2011/2012. GODINI

Član 1.

Ovom odlukom utvrđuju se zajednički kriteriji i mjerila za bodovanje i upis kandidata u prvu godinu studija na organizacionim jedinicama (fakulteti i akademije) Univerziteta u Sarajevu u akademskoj 2011/2012. godini.

Terminološko korištenje muškog ili ženskog roda u ovom konkursu podrazumijeva uključivanje oba roda.

Član 2.

Rangiranje kandidata i prijem studenata u prvu godinu studija vršit će se u zavisnosti od broja bodova koje kandidat osvoji:

1. ukoliko je predviđeno polaganje prijemnog ispita, na osnovu:
 - općeg uspjeha,
 - uspjeha iz *maternjeg jezika* i pojedinih predmeta značajnih za odgovarajući studij,
 - rezultata postignutih na prijemnom ispitu,
 - rezultata ostvarenih na takmičenjima iz predmeta relevantnih za određeni studij i
 - „Posebnog priznanja ministra obrazovanja i nauke“, a za učenike iz drugih kantona sa prosjekom 5,0.
2. Ukoliko nije predviđeno polaganje prijemnog ispita, na osnovu:
 - općeg uspjeha,
 - uspjeha iz *maternjeg jezika* i pojedinih predmeta značajnih za odgovarajući studij,
 - rezultata ostvarenih na takmičenjima iz predmeta relevantnih za određeni studij i
 - „Posebnog priznanja ministra obrazovanja i nauke“, a za učenike iz drugih kantona sa prosjekom 5,0.

Član 3.

Broj bodova po osnovu općeg uspjeha iznosi maksimalno 20, a utvrđuje se tako što se prosječna ocjena iz svih predmeta u svim razredima, zaokružena na dvije decimale, pomnoži sa 4.

Član 4.

Broj bodova po osnovu uspjeha iz predmeta značajnih za odgovarajući studijski program i rezultata postignutih na prijemnom ispitu utvrđuje se kako slijedi:

1. ukoliko je predviđeno polaganje prijemnog ispita, na osnovu:
 - uspjeha iz *maternjeg jezika* i pojedinih predmeta značajnih za odgovarajući studij vrednuje se sa maksimalno 40 bodova i
 - rezultata postignutih na prijemnom ispitu, vrednuje se sa maksimalno 40 bodova.
2. Ukoliko nije predviđeno polaganje prijemnog ispita, na osnovu:

- uspjeha iz *maternjeg jezika* i pojedinih predmeta značajnih za odgovarajući studij, vrednuje se sa maksimalno 80 bodova.

Član 5.

Vrednovanje rezultata na osnovu uspjeha postignutog na prijemnom ispitu, kao i spisak predmeta značajnih za odgovarajući studijski program iz kojih se polaže prijemni ispit i način bodovanja po ovom osnovu, organizacione jedinice će istaći na svojim oglasnim pločama i web stranicama.

Član 6.

Za jedno od osvojenih mjesta na lokalnom (općinsko, gradsko) takmičenju učenika srednjih škola dobija se sljedeći broj bodova:

- za osvojeno prvo mjesto – 2 boda,
- za osvojeno drugo mjesto – 1 bod i
- za osvojeno treće mjesto – 0,5 bodova.

Za jedno od osvojenih mjesta na kantonalnom takmičenju učenika srednjih škola dobija se sljedeći broj bodova:

- za osvojeno prvo mjesto – 3 boda,
- za osvojeno drugo mjesto – 2 boda i
- za osvojeno treće mjesto – 1 bod.

Za jedno od osvojenih mjesta na takmičenju učenika srednjih škola na nivou entiteta i Bosne i Hercegovine dobija se sljedeći broj bodova:

- za osvojeno prvo mjesto – 4 boda,
- za osvojeno drugo mjesto – 3 boda i
- za osvojeno treće mjesto – 2 boda.

Za jedno od osvojenih mjesta na međunarodnom takmičenju učenika srednjih škola dobija se sljedeći broj bodova:

- za osvojeno prvo mjesto – 5 bodova,
- za osvojeno drugo mjesto – 4 boda i
- za osvojeno treće mjesto – 3 boda.

Ukupan broj bodova, a koje kandidat dobija po osnovu takmičenja navedenih u ovom članu, formira se na osnovu zbira bodova po svim rezultatima, s tim da se boduju samo takmičenja koja su zvanično organizirana na nivou općine, grada, kantona, entiteta i Bosne i Hercegovine i to iz predmeta: *matematika, fizika, strani jezik, informatika*, a za umjetničke akademije i takmičenja u okviru te struke.

Za tehničke fakultete, pored navedenog, boduju se i rezultati u okviru takmičenja pod nazivom „Smotra tehničkog stvaralaštva”, koje je organiziralo Ministarstvo obrazovanja i nauke Kantona Sarajevo. Na Fakultetu sporta i tjelesnog odgoja boduju se i rezultati postignuti u vrhunskom sportu, na osnovu kriterija koje utvrdi Fakultet.

Za kandidate iz država nastalih raspadom bivše SFRJ za bodovanje ostvarenih rezultata na takmičenjima će se primjenjivati odredbe utvrđene u stavovima 1, 2. i 3 ovog člana, uz primjenu principa ekvivalencije (lokalno = općinsko, gradsko; kantonalno = županijsko/regionalno; (regije unutar države); entitetsko = pokrajinsko i ostalo; državno = državno).

Član 7.

Kandidatima koji su nosioci „Posebnog priznanja“, koje dodjeljuje ministar obrazovanja i nauke, dodjeljuje se 5 bodova, kao i kandidatima koji dolaze izvan Kantona Sarajevo, a u toku cjelokupnog srednjoškolskog obrazovanja su imali odličan (5) uspjeh iz svih nastavnih predmeta i primjerno vladanje.

Član 8.

Na umjetničke akademije mogu se upisati samo oni kandidati koji na prijemnom ispitu ostvare najmanje 60% bodova, a čija je struktura odnosno specifičnost pobliže utvrđena pravilima umjetničkih akademija.

Na nastavničke fakultet mogu se upisati samo oni kandidati koji ostvare najmanje 70 bodova.

Na ostale organizacione jedinice Univerziteta u Sarajevu mogu se upisati samo oni kandidati koji u svakom pojedinačnom segmentu prijemnog ispita ostvare najmanje 50% bodova.

Član 9.

Postupak provođenja ove odluke vrši komisija koju imenuje nastavno-naučno odnosno nastavno-umjetničko vijeće organizacione jedinice.

Na organizacionim jedinicama na kojima se polaže prijemni ispit komisija je dužna da osigura tajnost ispitnog materijala i druge relevantne dokumentacije.

Nakon zbrajanja bodova, za svakog kandidata pojedinačno, po svim osnovama iz ove odluke, komisija sačinjava preliminarnu rang-listu svih kandidata i spisak primljenih kandidata i oglašava ih na web stranici i oglasnoj ploči.

Na objavljenu rang-listu kandidati mogu uložiti pisani prigovor nastavno-naučnom odnosno nastavno-umjetničkom vijeću organizacione jedinice u roku od tri dana od dana objavljivanja liste.

Ukoliko kandidat ima prigovor na rezultate postignute na prijemnom ispitu, prigovor dokazuje ovjerenim duplikatom testa sa prijemnog ispita.

Nastavno-naučno odnosno nastavno-umjetničko vijeće organizacione jedinice dužno je da u roku od tri dana odluči o prigovoru kandidata i o tome ga obavijesti pisanom formom.

Odluka nastavno-naučnog odnosno nastavno-umjetničkog vijeća je konačna.

Konačni spisak upisanih studenata u svim statusima, nakon što ga usvoji nastavno-naučno odnosno nastavno-umjetničko vijeće organizacione jedinice, organizaciona jedinica je obavezna objaviti na web stranici i oglasnoj ploči najkasnije dva dana nakon isteka roka za donošenje odluke po izjavljenom prigovoru i dostaviti Ministarstvu najkasnije sedam dana prije početka studijske godine.

Član 10.

Kandidati koji, u skladu sa Konkursom, budu primljeni na odgovarajući studijski program, za upis u prvu godinu studija, pored već predatih dokumenata, podnose:

- upisni, semestralni list i ŠV-obrazac,
- upisnicu – indeks i
- podatke o zdravstvenom stanju – ljekarsko uvjerenje (izdaje ga Zavod za zaštitu zdravlja studenata Univerziteta u Sarajevu).

Kada se na jedinstvenoj listi kandidata, koji su po osnovu kriterija za upis studenata utvrđenih Odlukom Vlade Kantona Sarajevo broj: 02-05-3236-5/08 od 07. 02. 2008. godine, u predviđenoj kvoti upisa nađe određeni broj kandidata iz država nastalih nakon raspada SFRJ, lista primljenih kandidata se proširuje za taj broj kandidatima državljanima BiH najviše do 4% studenata u statusu za koji konkurišu (redovni i redovni samofinansirajući).

Kada izračunati procent broja studenta u odnosu na maksimalno utvrđenu kvotu kandidata iz država nastalih nakon raspada SFRJ nije cijeli broj, u tom slučaju vrši se zaokruživanje procentualne vrijednosti u korist kandidata na sljedeći cijeli broj.

Ukoliko se na listi kandidata u kvoti do 4% nalazi više kandidata iz država nastalih nakon raspada SFRJ koji ostvare isti broj bodova, primaju se svi kandidati u statusu za koji konkurišu, a lista se proširuje za taj broj kandidatima državljanima BiH.

Pod jednakim uvjetima iz ovih kriterija prednost imaju:

djeca boraca-branitelja BiH,

- djeca ratnih vojnih invalida, djeca šehida i poginulih i nestalih boraca-branitelja i umrlih ratnih vojnih invalida,
- djeca organizatora otpora,
- djeca veterana-prvoboraca i
- djeca nosilaca najviših ratnih priznanja.

(Čl. 1, 2, 5. i 24. Zakona o dopunskim pravima boraca-branitelja BiH, prečišćeni tekst („Službene novine Kantona Sarajevo“, broj: 9/07)

Član 11.

Invalidi sa utvrđenim sto procentnim invaliditetom imaju pravo upisati se jedanput na određeni studijski program na Univerzitetu kao studenti budžetski finansiranih mjesta pod uvjetima:

- a) da su položili prijemni ispit,
- b) da su sposobni obavljati praktične zadatke u nastavi,
- c) da su stekli pravo upisa na odgovarajući ciklus studija organizacione jedinice kao javne ustanove i
- d) da su dostavili dokaz nadležne institucije o statusu invalida i procentu invaliditeta.

Član 12.

Detaljnije informacije o mjestu i vremenu predaje dokumenata za upis, kao i druge relevantne informacije bit će objavljene na web stranicama i oglasnim pločama organizacionih jedinica.

**PLAN UPISA STUDENATA U PRVU GODINU PRVOG CIKLUSA STUDIJA
NA UNIVERZITETU U SARAJEVU U ŠKOLSKOJ 2011/2012. GODINI**

Redni broj	NAZIV USTANOVE ODSJEK/STUDIJ	Predviđen o trajanje prvog ciklusa studija, godine i (E)CTS*	BROJ STUDENATA					Ukupno
			Redovni studij – troškove studija snosi osnivač	Redovni studij** - troškove studija snose sami studenti	Vanredni studij***	DI studij****	Strani državljani	
1.	AKADEMIJA LIKOVNIH UMJETNOSTI	4	42					42
	Odsjek nastavnici		12					12
	Odsjek slikarstvo		5					5
	Odsjek kiparstvo		5					5
	Odsjek grafika		5					5
	Odsjek grafički dizajn		5					5
	Odsjek produkt dizajn		10					10
2.	AKADEMIJA SCENSKIH UMJETNOSTI	4 i 3	18				6	24
	Odsjek za glumu	4	10				4	14
	Odsjek za režiju	3	8				2	10
3.	ARHITEKTONSKI FAKULTET	3	50	30			10	90
4.	EKONOMSKI FAKULTET	3	200	150		200	10	560
	Odsjek ekonomija		50	30		80	5	165
	Odsjek menadžment		100	70		70	5	245
	Visoka poslovna škola		50	50		50		150
5.	ELEKTROTEHNIČKI FAKULTET	3	170	170	84		8	432
	Odsjek za automatiku i elektroniku		35	35	12		2	84
	Odsjek za elektroenergetiku		45	45	24		2	116
	Odsjek za računarstvo i informatiku		45	45	36		2	128
	Odsjek za telekomunikacije		45	45	12		2	104
6.	FAKULTET ZA KRIMINALISTIKU, KRIMINOLOGIJU I SIGURNOSNE STUDIJE	4	70	70	44		10	194
	Kriminalistika		35	35	22		5	97
	Kriminologija		35	35	22		5	97
7.	FAKULTET POLITIČKIH NAUKA	3	150	134	170		25	479
	Odsjek politologija		30	27	36		5	98
	Odsjek sociologija		20	20	24		5	69
	Odsjek žurnalistika		35	30	42		5	112
	Odsjek sigurnosne i		35	30	36		5	106

	mirovne studije							
	Odsjek socijalni rad		30	27	32		5	94
8.	FAKULTET SPORTA I TJELESNOG ODGOJA	4 i 3	30	50		70	15	165
	Opći smjer	4	30	50			10	90
	Smjer menadžment u sportu	3				70	5	75
9.	FAKULTET ZA SAOBRAĆAJ I KOMUNIKACIJE	3	85	90			5	180
	Odsjek za saobraćaj: Cestovni saobraćaj		25	25			1	51
	Željeznički saobraćaj		10	10			1	21
	Zrakoplovni saobraćaj		20	20			1	41
	Odsjek komunikacije: Poštanske tehnologije		10	10			1	21
	Komunikacijske tehnologije		20	25			1	46
10.	FAKULTET ZDRAVSTVENIH STUDIJA	4	125		75		25	225
	Zdravstvena njega i terapija		25		15		5	45
	Fizikalna terapija		25		15		5	45
	Zdravlje i ekologija		25		15		5	45
	Radiološke tehnologije		25		15		5	45
	Laboratorijske tehnologije		25		15		5	45
11.	FARMACEUTSKI FAKULTET*****	5	50	40			10	100
12.	FILOZOFSKI FAKULTET	3	410	200	243		20	873
01.	Odsjek za anglistiku							
	Jednopedmetni studij A. Engleski jezik i književnost		30	35	18			83
	Dvopedmetni studij B. Engleski jezik i književnost + druga studijska grupa		10		3			13
02.	Odsjek za bosanski, hrvatski, srpski jezik							
	Dvopedmetni studij A. Bosanski, hrvatski, srpski jezik i književnosti naroda BiH – nastavnički smjer		10	10	12			32
03.	Odsjek za filozofiju							
	Dvopedmetni studij A. Filozofija i sociologija		10	10	12			32
	B. Filozofija i druga studijska grupa		5		3			8
	Jednopedmetni studij Filozofija		10		6			16
04.	Odsjek za sociologiju							
	Sociologija		10		12			22

	C. Sociologija i druga studijska grupa		5		3			8
05.	Odsjek za germanistiku							
	Jednopedmetni studij A. Njemački jezik i književnost + druga studijska grupa		30	40	18			88
	Dvopedmetni studij A. Njemački jezik i književnost + druga studijska grupa		5	5	3			13
06.	Odsjek za historiju							
	Jednopedmetni studij A. Historija – opći smjer		20		15			35
	Dvopedmetni studij A. Historija + druga studijska grupa		5		3			8
	Katedra za historiju/povijest umjetnosti Dvopedmetni studij A. Historija umjetnosti + druga studijska grupa		10		3			13
	B. Druga studijska grupa + Historija umjetnosti		10		3			13
	Katedra za arheologiju Jednopedmetni studij A. Arheologija		10	10	6			26
07.	Odsjek za književnost naroda BiH							
	Dvopedmetni studij A. Književnost naroda BiH i bosanski, hrvatski, srpski jezik – nastavnički smjer		10		15			25
	B. Književnost naroda BiH + druga studijska grupa		5		6			11
08.	Odsjek za komparativnu književnost i bibliotekarstvo							
	Jednopedmetni studij A. Komparativna književnost		5		3			8
	Dvopedmetni studij A. Komparativna književnost i bibliotekarstvo		15		6			21
	B. Komparativna književnost + druga studijska grupa		10		3			13
	C. Bibliotekarstvo + druga studijska grupa		10		3			13
09.	Odsjek za orijentalnu							

	filologiju						
	Jednopedmetni studij A. Arapski jezik i književnost	20		6			26
	B. Turski jezik i književnost	15		6			21
	C. Perzijski jezik i književnost	10		3			13
	Dvopedmetni studij A. Arapski jezik i književnost + druga studijska grupa; Druga studijska grupa + Arapski jezik i književnost	10		6			16
	B. Turski jezik i književnost + druga studijska grupa; Druga studijska grupa + Turski jezik i književnost	10		3			13
	C. Perzijski jezik i književnost + druga studijska grupa; Druga studijska grupa + Turski jezik i književnost	10		3			13
10.	Odsjek za pedagogiju						
	Jednopedmetni studij A. Pedagogija + druga studijska grupa	20	25	18			63
	Dvopedmetni studij A. Pedagogija + druga studijska grupa	5		6			11
11.	Odsjek za psihologiju						
	Jednopedmetni studij A. Psihologija	20	30				50
12.	Odsjek za romanistiku						
	Jednopedmetni studij A. Francuski jezik i književnost	15	15	9			39
	Dvopedmetni studij A. Francuski jezik i književnost	15	5	6			26
	B. Talijanski jezik i književnost + drugi strani jezik	5	10	12			27
	C. Francuski jezik i književnost + druga studijska grupa	5	5	3			13
13.	Odsjek za slavenske jezike i književnost						
	Jednopedmetni studij A. Ruski jezik i književnost	10		3			13
	Dvopedmetni studij A. Ruski jezik i književnost + druga studijska grupa	5		3			8

13.	GRAĐEVINSKI FAKULTET	3	160	25				185
	Studij građevinarstva		120	15				135
	Studij geodezije –Odsjek za geodeziju		40	10				50
14.	MAŠINSKI FAKULTET	3	264				10	274
	Odsjek za energetiku, procesnu tehniku i okolinsko inženjerstvo: Smjer energetika		33					33
	Smjer procesno inženjerstvo		33					33
	Odsjek za industrijsko inženjerstvo i menadžment		33					33
	Odsjek za mašinski proizvodni inženjering		33					33
	Odsjek za mašinske konstrukcije		33					33
	Odsjek za motore i vozila		33					33
	Odsjek za odbrambene tehnologije		33					33
	Odsjek za tehnologiju drveta		33					33
15.	MEDICINSKI FAKULTET*****	6	80	30				110
16.	MUZIČKA AKADEMIJA	4	45				10	55
	Odsjek za kompoziciju		2					2
	Odsjek za dirigovanje: Orkestarsko dirigovanje		1					1
	Horsko dirigovanje		2					2
	Odsjek za solo pjevanje		2					2
	Odsjek za klavir, udaraljke, harfu i srodne instrumente: Klavir		4				1	5
	Udaraljke		1				1	2
	Odsjek za gudačke instrumente: Violina		5					5
	Viola		2					2
	Violončelo		1				1	2
	Gitara		1					1
	Odsjek za duhačke instrumente i harmoniku: Flauta		2				1	3
	Klarinet		1				1	2
	Truba		1				1	2
	Harmonika		1				1	2
	Saksofon		1					1
	Horna		1				1	2

	Fagot		1					1
	Odsjek za muzikologiju i etnomuzikologiju: Muzikologija		3					3
	Etnomuzikologija		3					3
	Odsjek za muzičku teoriju i praksu		10				2	12
17.	PEDAGOŠKI FAKULTET	4	35	90	54		15	194
	Predškolski odgoj		15	35	21		5	76
	Razredna nastava		10	30	23		5	78
	Kultura življenja i tehnički odgoj		10	25			5	40
18.	POLJOPRIVREDNO-PREHRAMBENI FAKULTET	3	145	60	18			223
	Odsjek biljna proizvodnja		45	15	6			66
	Odsjek zootehnika		40	15	6			61
	Odsjek ekonomika poljoprivrede i prehrambene industrije		30	10	3			43
	Odsjek prehrambene tehnologije		30	10	3			43
19.	PRAVNI FAKULTET	4	50	115	150			315
20.	PRIRODNO-MATEMATIČKI FAKULTET	4 i 3	280	254	40		22	596
	Odsjek za biologiju: nastavnički smjer	4	10	10			2	22
	Smjer biohemije i fiziologije	4	10	10			2	22
	Smjer ekologija	4	10	10			2	22
	Smjer genetika	4	10	10			2	22
	Smjer mikrobiologija	4	10	10			2	22
	Odsjek za fiziku: nastavnički smjer (Fizika)	4	25	10	3		1	39
	Opći smjer (Fizika)	4	35	10	3		1	49
	Odsjek za geografiju: nastavnički smjer	4	15	17	6			38
	Regionalno i prostorno planiranje	4	15	17	6			38
	Turizam i zaštita životne sredine	4	15	27	9			51
	Odsjek za hemiju: nastavnički smjer	4	10	10			2	22
	Opći smjer	4	35	35			3	73
	Odsjek za matematiku: opći smjer	3	10	12	2		1	25
	Primijenjena matematika	3	10	4	2		1	17
	Nastavnički smjer (Matematika)	3	20	6	3		1	30
	Nastavnički smjer (Matematika i informatika)	3	20	6	3		1	30
	Teorijska kompjuterska	3	20	10	3		1	34

	nauka							
21.	STOMATOLOŠKI FAKULTET SA KLINIKAMA*****	6	40	25			5	70
22.	ŠUMARSKI FAKULTET	3	110				10	120
	Odsjek šumarstva		80				5	85
	Odsjek hortikulture		30				5	35
23.	VETERINARSKI FAKULTET*****	5	90				10	100
U K U P N O			2.699	1.533	878	270	226	5.606

* Prvi ciklus studija vodi do akademskog zvanja završenog dodiplomskog studija [the degree of Bachelor] ili ekvivalenta, stečenog nakon završene srednje škole i traje tri odnosno četiri godine, a vrednuje se sa 180 odnosno 240 ECTS studijskih bodova. ECTS studijski bodovi odgovaraju kriterijima Evropskog sistema prijenosa kredita – European Credit Transfer System – ECTS.

** Redovni studij = troškove studija snose sami studenti.

*** Vanredni studij = troškove studija snose sami studenti.

Organizaciona jedinica obavezna je u svakom semestru organizirati nastavu „u učionici“ za vanredne studente i to najmanje prve, osme i petnaeste sedmice svakog semestra i o tome voditi urednu evidenciju, a što se detaljnije regulira pravilima studiranja visokoškolske ustanove. Vanredni studenti obavezni su prisustvovati oblicima provjere znanja kako je predviđeno izvedbenim planovima nastave na visokoškolskoj ustanovi, koji se, po pravilu, obavljaju u toku onih radnih sedmica u kojima se organizira i nastava za ove studente, a što se detaljnije regulira pravilima studiranja visokoškolske ustanove.

**** DL = redovni studij „učenjem na daljinu“ sa punim fondom nastave – troškove studija snose sami studenti.

Organizaciona jedinica obavezna je u svakom semestru organizirati nastavu „u učionici“ za studente koji studiraju „učenjem na daljinu“ i to najmanje prve, osme i petnaeste sedmice svakog semestra i o tome voditi urednu evidenciju, a što se detaljnije regulira pravilima studiranja visokoškolske ustanove.

Studenti koji studiraju „učenjem na daljinu“ obavezni su prisustvovati oblicima provjere znanja kako je predviđeno izvedbenim planovima nastave na visokoškolskoj ustanovi, koji se, po pravilu, obavljaju u toku onih radnih sedmica u kojima se organizira i nastava za ove studente, a što se detaljnije regulira pravilima studiranja visokoškolske ustanove.

***** Integrirani studij prvog i drugog ciklusa na fakultetima Grupacije medicinskih nauka koji se vrednuje do 360 ECTS bodova.

Informativno, u prilogu Konkursa za upis studenata u prvu godinu studija na organizacione jedinice Univerziteta u Sarajevu u školskoj 2011/2012. godini dajemo pregled nezaposlenih lica iz evidencije JU Služba za zapošljavanje Kantona Sarajevo, prema završenom studiju na visokoškolskim ustanovama (stanje na dan 31. 03. 2011. godine, frekvencija iznad 30 lica), kako slijedi:

NAZIV FAKULTETA	Broj nezaposlenih lica
Fakultet političkih nauka	1.267
Ekonomski fakultet	871
Filozofski fakultet	749
Pravni fakultet	660
Prirodno-matematički fakultet	221
Fakultet kriminalističkih nauka	220
Fakultet sporta i tjelesnog odgoja	206
Poljoprivredno-prehrambeni fakultet	196
Fakultet zdravstvenih studija	161
Arhitektonski fakultet	148
Pedagoški fakultet	132
Umjetničke akademije	128
Elektrotehnički fakultet	125
Medicinski fakultet	124
Stomatološki fakultet	121
Ostale visoke škole i fakulteti (privatni fakulteti i dr.)	103
Veterinarski fakultet	90
Mašinski fakultet	86
Teološki fakultet	62
Fakultet za saobraćaj i komunikacije	61
Farmaceutski fakultet	37
Ukupan broj lica sa VSS – frekvencija iznad 30	5.768